

Na osnovu člana 16. stav 2. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona" broj: 7/10, 3/23), a u skladu sa članom 4. stav (13). tačka b) alineja 2 Programa utroška sredstava Budžeta Zeničko-dobojskog kantona za 2025. godinu, planiranih na razdjelu Ministarstva za boračka pitanja, namjenjenih za potrebe branilaca i članova njihovih porodica, broj: 02-11-2354/25 od 07.02.2025. godine i broj: 02-11-19716/25 od 31.10.2025. godine, na prijedlog Ministarstva za boračka pitanja, Vlada Zeničko-dobojskog kantona, na 106.sjednici, održanoj 21.11.2025. godine, d o n o s i

O D L U K U

o isplati jednokratne novčane pomoći korisnicima kantonalne egzistencijalne naknade i ratnim vojnim invalidima - korisnicima lične invalidnine i korisnicima porodične invalidnine s područja Zeničko-dobojskog kantona

Član 1.

(Predmet Odluke i iznos jednokratne novčane pomoći)

Odobrava se isplata jednokratne novčane pomoći u ukupnom iznosu od 1.135.400,00 KM (slovima: jedanmilijonstotinutridestpethiljadačetiristotinekonvertibilnihmaraka) za 2.362 korisnika kantonalne egzistencijalne naknade, 5.111 ratnih vojnih invalida - korisnika lične invalidnine i 3.881 korisnika porodične invalidnine s područja Zeničko-dobojskog kantona, a u pojedinačnom iznosu od 100,00 KM (slovima: stotinu konvertibilnih maraka) po korisniku, u svrhu novčane pomoći uslijed rasta potrošačkih cijena i otežane ekonomske situacije pripadnika branilačke populacije.

Član 2.

(Korisnici jednokratne novčane pomoći)

Pravo na jednokratnu novčanu pomoć imaju korisnici iz člana 1. ove odluke koji su bili na isplati naknada po osnovu prava iz oblasti boračko-invalidske zaštite za mjesec oktobar 2025. godine. Osobe iz člana 1. ove odluke koje redovne mjesečne naknade primaju po osnovu više različitih prava iz oblasti boračko-invalidske zaštite, jednokratnu novčanu pomoć mogu dobiti samo po osnovu jednog prava.

Član 3.

(Način i izvori finansiranja isplate)

Uplata jednokratne novčane pomoći biće izvršena na tekuće račune korisnika iz člana 1. odluke, a sredstva će se isplatiti iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“ broj: 25/24 i 12/25) sa razdjela 24, budžetska organizacija 01, potrošačka jedinica 001, ekonomski kod 614200, subanalitika OAD 224 “Egzistencijalna naknada“.

Član 4.

(Realizacija Odluke)

Za realizaciju ove odluke zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-20951/25

Datum, 21.11.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,

1x Ministarstvo finansija,

1x “Službene novine Zeničko-dobojskog kantona“,

1x a/a.